

2. Upplýsingagjöf og samstarf

Fiskistofa safnar gögnum um veiðar og vinnslu afla, og skráir upplýsingar um aflaheimildir og stöðu þeirra. Stofnunin tekur saman margvíslegar upplýsingar úr þessum gögnum og birtir þær meðal annars á vef Fiskistofu. Nefna má reglulega birtingu á aflatölum yfirstandandi fiskveiðiárs og ársyfirlit sem gefið er út í október og hefur að geyma samanteknar upplýsingar um undangengið fiskveiðiár. Leitast er við að hafa heimasíðu Fiskistofu þannig að hægt sé að nálgast upplýsingar á sem aðgengilegastan hátt og lögð er áhersla á að fjölga gagnvirkum síðum þar sem notendur geta sótt upplýsingar eftir eigin höfði úr gagnagrunnum. Fiskistofa sérvinnur einnig upplýsingar eftir beiðni gegn gjaldi samkvæmt gjaldskrá.

Á árinu var svarað 273 fyrirspurnum sem er heldur fleiri en á fyrra ári þegar þær voru 242. Um 130 þeirra vörðuð veiðar, heimildir og afla. Um 20 snerust um vottun á sjálfbærni íslenskra sjávarafurða. Þá afgreiddi Fiskistofa 78 fyrirspurnir frá erlendum innflutningsyfirvöldum um réttmæti vinnslu- og veiðivottorða sem Fiskistofa gefur út. Fiskistofa svarar öllum fyrirspurnum sem berast stofnuninn og heimilt er að svara samkvæmt upplýsinga- og persónuverndarlögum.

Innlent samstarf

Fiskistofa leggur áherslu á samstarf við aðrar stjórn-sýslustofnanir og hagsmunaaðila í sjávarútvegi til þess að rækja hlutverk sitt sem best. Slíkt samstarf getur bæði stuðlað að aukinni skilvirkni og hagræði með það að markmiði að bæta bæði upplýsingagjöf og þjónustu ásamt því að auðvelda samskipti. Samráð átti sér m.a. stað við tollayfirvöld, Matvælastofnun, Landhelgisgæslu, Hafrannsóknastofnun, Fjársýslu ríkisins, Hafnasamlagið og Samgöngustofu. Ennfremur má nefna samstarf við veiðigjaldsnefnd og ríkisskattstjóra vegna ákvarðana um veiðigjöld og breytinga í löggjöfnni um þau. Þá er Fiskistofa í reglulegum samskiptum og samstarfi um ýmis mál við Samtök fyrirtækja í sjávarútvegi og Landsamband smábátaeigenda.

Starfsmenn Fiskistofu tóku á árinu þátt í kennslu í formi gestafyrirlestra, meðal annars í Sjávarútvegsskóla Háskóla Sameinuðu þjóðanna og Háskóla Íslands. Einnig leggur Fiskistofa til kennara á löggildingarnámskeið fyrir vigtarmenn. Meðal annars tók Fiskistofa þátt í viðburðinum Lýsu á Akureyri og kynnti þar gott aðgengi að víðtækum upplýsingum um sjávarútveg á vef Fiski-

stofu. Þá tekur Fiskistofa reglulega á móti gestum frá fyrirtækjum, stofnunum og félagasamtökum og kynnir fyrir þeim starfseminu og fiskveiðistjórnun. Á árinu aðstoðaði Fiskistofa íslensk vottunarfyrirtæki á fjölmörgum fundum með erlendum úttektaaðilum við alþjóðlega vottun á sjálfbærni veiða og gæðum íslenskra sjávarafurða.

Samstarf á alþjóðavettvangi

Fiskistofa á fulltrúa í ýmsum samstarfsnefndum á vegum fjölþjóðlegra fiskveiðieftirlitsstofnana. Ferðadagar starfsmanna erlendis á vegum Fiskistofu 2018 voru 241 talsins en gistinætur voru 194. M.a. var farið á fundi hjá eftirfarandi alþjóðastofnunum: Norðaustur-Atlantshafsfiskveiðinefndinni (NEAFC), Norðvestur-Atlantshafsfiskveiðinefndinni (NAFO) og Norður-Atlantshafs sjávarspendýraráðinu (NAMMCO). Þá tóku fulltrúar Fiskistofu þátt í fundum sem vörðuðu fiskveiðieftirlit á alþjóðlegumhafsvæðum. Ennfremur var fundað með fulltrúum fiskveiðipjóða um framþróun fjareftirlits- og tilkynningakerfis fiskiskipa á norðanverðu Atlantshafi.

Fiskistofa stóð fyrir fjölda kynninga á starfsemi sinni og íslenskrí fiskveiðistjórnun fyrir erlenda aðila sem heim-sóttu landið. Nefna má að fundað var með fulltrúum grænlenkra stjórnvalda til að ræða framþróun í fiskveiðistjórnun og álagningu veiðigjalda. Einnig var sendi-herra Filipseyja á Íslandi fræddur um íslenskan sjávarútveg og fiskveiðistjórnun. Þá var tekið á móti fræðimanni á sviði fiskveiðistjórnunar frá Nýja Sjálandi og einnig hópi fræðimanna og stjórnenda í Cornell háskóla í Bandaríkjunum. Sá háskóli vill útvikka samstarf um jarðhitamál með íslenskum aðilum yfir í alþjóðlegt samstarf um kynningu og nýtingu á þekkingu Íslendinga á fiskveiðistjórnun. Fiskistofa tók þátt öðru sinni í kynningu tengda Arctic Circle fyrir aðila úr stjórnsýslu Kyrrahafseyja. Loks ber að geta að Fiskistofa hóf þátttöku í verkefni utanríkisráðuneytisins þar sem þróunarsamvinna á sviði sjávarútvegs fer fram með því að ráðuneytið leggur fjármuni í sjávarútvegsverkefni sem Alþjóðabankinn stýrir í þróunarlöndum. Mikill áhugi og þörf reyndist fyrir aðstoð sérfræðinga á sviði fiskveiðistjórnunar og sendi Fiskistofa sérfræðing til bæði Vietnam og Bangladesh til ráðgjafar um fiskveiðistjórnun síðla árs á grundvelli þessa samstarfs. Fyrir liggur að framhald verður á þátttöku Fiskistofu í verkefnum á grundvelli þessa samstarfs Íslendinga og Alþjóðabankans.